



# SLUŽBENI GLASNIK OPĆINE KALESIJA

Godina: XXIX

Ponedjeljak, 30.01.2006. godine  
K A L E S I J A

Broj: 1

## OPĆINSKO VIJEĆE

### 1

Na osnovu člana 49. Zakona o eksproprijaciji ("Sl. list SRBiH", broj 12/87 ) i člana 41. Statuta Općine Kalesija (Sl.glasnik Općine Kalesija broj 07/03,12/05), Općinsko vijeće Kalesija na sjednici održanoj dana 27.01.2006. godine d o n o s i

### ODLUKU

o načinu i uslovima određivanja naknade za ekspropisano poljoprivredno zemljište u 2006. godini

#### Član 1.

Ovom Odlukom određuju se bliži uslovi i mjerila za određivanje naknade za ekspropisano poljoprivredno zemljište na području Općine Kalesija u 2006. godini

#### Član 2.

Pri određivanju naknade za ekspropisano poljoprivredno zemljište cijenit će se korist koju može dati to zemljište redovnim iskorištavanjem, korist koju je raniji vlasnik imao od tog zemljišta, a naročito tržišnu cijenu tog zemljišta.

#### Član 3.

Tržišna cijena ekspropisanog poljoprivrednog zemljišta utvrđuje se na osnovu podataka o prometnoj vrijednosti koje daje Federalno ministarstvo finansija - Porezna uprava- Kantonalni ured Tuzla - Ispostava Kalesija i podataka o iznosima iz postignutih sporazuma o određivanju pravične naknade za ekspropisano zemljište u toj katastarskoj općini.

#### Član 4.

Ako je vrijednost poljoprivrednog zemljišta uvećana kao rezultat neposrednog ili posrednog ulaganja državnih sredstava i ako na formiranje tržišne cijene utiču okolnosti što se poljoprivredno zemljište nalazi u naseljima ili u blizini tih naselja, saobraćajnica, naknada će se umanjiti srazmjerno tim okolnostima koje su uticale na povećanje vrijednosti poljoprivrednog zemljišta.

U slučaju iz prethodnog stava, kada je predmet eksproprijacije obradivo poljoprivredno zemljište zemljoradnika, kome je prihod od tog zemljišta jedini i glavni uslov za egzistenciju ne vrši se umanjenje naknade.

#### Član 5.

Okolnosti iz člana 4. ove Odluke utiču na povećanje kod formiranja tržišne cijene poljoprivrednog zemljišta uz sljedeće saobraćajnice:

1. Put Tuzla-Simin Han-Međaš, na udaljenosti od 100 metara na obje strane od ose puta.

2. Put Tuzla-Banj Brdo na udaljenosti 100metara na obje strane.

3. Put Živinice-Međaš -Memići -RS na udaljenosti 100 metara sa obje strane od ose puta.

4. Put Kalesija pogon- Sapna na udaljenosti 100 metara sa obje strane od ose puta.

#### Član 6.

Tržišna cijena poljoprivrednog zemljišta navedena u članu 5. tačke 1. ove Odluke umanjuje se za 30%

Tržišna cijena poljoprivrednog zemljišta navedena u članu 5. tačke 2. ove Odluke umanjuje se za 20%.

Tržišna cijena poljoprivrednog zemljišta navedena u članu 5. tačke 3. ove Odluke umanjuje se za 30%.

Tržišna cijena poljoprivrednog zemljišta navedena u članu 5. tačke 4. ove Odluke umanjuje se za 30%.

#### Član 7.

Ova Odluka stupa na snagu danom objavljivanja u «Službenom glasniku Općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-214  
Datum: 27.01.2006. godine

PREDSJEDAVAJUĆI  
OPĆINSKOG VIJEĆA  
Hata Mujčinović dipl.ing.tehn. s.r.

## 2

Na osnovu člana 56. Zakona o eksproprijaciji («Sl. list SRBiH», broj 12/87 ) i člana 3. Zakona o izmjenama i dopunama Zakona o eksproprijaciji («Sl. list SRBiH», broj 38/89), shodno odredbama člana 41. Statuta općine Kalesija Sl. glasnik općine Kalesija broj 7/03 i 12/05 ) Općinsko vijeće Kalesija, na sjednici održanoj dana 27.01.2006. godine, d o n o s i

### ODLUKA

o određivanju naknade za preuzeto građevinsko zemljište u 2006. godini

#### Član 1.

Naknada za građevinsko zemljište koje se izuzima od ranijih vlasnika na području općine Kalesija u 2006. godini određuje se u procentu od prosječne cijene koja je formirana u prethodnoj godini (2005. godina) za 1m<sup>2</sup> stambenog prostora na području općine Kalesija.

#### Član 2.

Prosječna cijena u 2005. godine za 1m<sup>2</sup> stambenog prostora izgrađenog na području općine Kalesija iznosi 700,00 KM.

#### Član 3.

Za 1m<sup>2</sup> građevinskog zemljišta u državnoj svojini koje se izuzima od ranijih vlasnika na području općine Kalesija u 2006. godini određuje se visina naknade u procentu od prosječne ugovorene cijene za 1m<sup>2</sup> stambenog prostora izgrađenog u državnoj svojini i to:

Urbano područje grada Kalesija, naselja Memići i Tojšići, industrijska zona kao i ostalo građevinsko zemljište (poredano po zonama od 1-6, shodno Odluci o gradskom građevinskom zemljištu («Sl. glasnik općine Kalesija», broj 1/04,2/05 i 12/05).

I zona -u procentu od 2,0% što naknada za 1m<sup>2</sup> građevinskog zemljišta iznosi 14,00 KM.

II zona -u procentu od 1,95% što naknada za 1m<sup>2</sup> građevinskog zemljišta iznosi 13,65 KM.

III zona -u procentu od 1,9% što naknada za 1m<sup>2</sup> građevinskog zemljišta iznosi 13,30 KM.

IV zona -u procentu od 1,5% što naknada za 1m<sup>2</sup> građevinskog zemljišta iznosi 10,50 KM.

V zona - u procentu od 1,2% što naknada za 1m<sup>2</sup> građevinskog zemljišta iznosi 8,40 KM.

VI zona -u procentu od 1,1% što naknada za 1m<sup>2</sup> građevinskog zemljišta iznosi 7.70 KM.

#### Član 4.

Naknada iz člana 3. ove Odluke pripada vlasnicima odnosno posjednicima građevinskog zemljišta u državnoj svojini koje se izuzima od ranijih vlasnika, a obezbjeđuju je korisnici eksproprijacije.

#### Član 5.

Ova odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-2-212  
Datum, 27.01.2006. godine

PREDSJEDAVAJUĆI  
OPĆINSKOG VIJEĆA  
Hata Mujčinović, dipl. ing.tehn. s.r.

### 3

Na osnovu člana 11. stav 3 Zakona o uzurpacijama («Sl.list SRBiH» broj 6/78) i člana 41. Statuta općine Kalesija ("Sl.glasnik općine Kalesija", br.7/03, 12/05) Općinsko vijeće Kalesija na sjednici održanoj dana 27.01.2006.godine, d o n o s i

#### ODLUKU

o visini naknade u 2006. godine za nepriznato uzurpirano zemljište

##### Član 1.

Za nepriznato uzurpirano zemljište, za koja će se uzurpantima zamljoradnicima određivati naknada u 2006.godini, određuje se slijedeća visina naknade:

a) Za poljoprivredna zemljišta u iznosu sedmostrukog jednogodišnjeg katastarskog prihoda sa uzurpiranog zemljišta

b) za neplodna zemljišta u iznosu sedmostrukog jednogodišnjeg katastarskog prihoda sa pašnjaka najniže klase u istoj katastarskoj općini.

##### Član 2.

Ova odluka stupa na snagu danom objavljivanja u "Službenom glasniku općine Kalesija"

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj:01-05-2-213  
Dana, 27.01.2006. godine

PREDSJEDAVAJUĆI  
OPĆINSKOG VIJEĆA  
Hata Mujčinović dipl.ing.tehn. s.r.

### 4

Na osnovu člana 66. Zakona o građevinskom zemljištu ("Sl. novine F BiH", br. 25/03), člana 42. Odluke o građevinskom zemljištu ("Sl. gl. Općine Kalesija" br. 1/04, 2/05, 12/05) i člana 41. Statuta općine Kalesija ("Sl. glasnik općine Kalesija", broj 7/03, 12/05) Općinsko vijeće Kalesija na sjednici održanoj 27.01.2006. godine, d o n o s i

#### ODLUKU

o utvrđivanju prosječne konačne građevinske cijene m<sup>2</sup> korisne stambene površine iz predhodne godine

##### Član 1.

Prosječna konačna građevinska cijena 1m<sup>2</sup> korisne stambene površine u 2005. godini na području općine Kalesija iznosi 700,00KM.

##### Član 2.

Cijena iz člana 1. služi kao osnovica za izračunavanje naknade iz osnova prirodnih pogodnosti građevinskog zemljišta-rente i uredjenja gradskog građevinskog zemljišta.

Utvrđena cijena će biti korištena u 2006. godini.

##### Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-211/06  
Datum:27.01.2006.godine

PREDSJEDAVAJUĆI  
OPĆINSKOG VIJEĆA  
Hata Mujčinović, dipl.ing.tehn. s.r.

### 5

Na osnovu člana 47., 180. i 184. Zakona o zaštiti i spašavanju ljudi i materijalnih dobara od prirodni i drugih nesreća («Službene novine Federacije BiH», broj 39/03.), Odluke o vrstama i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća («Službene novine Federacije BiH», broj 23/04.) i člana 41. Statuta općine Kalesija («Službeni glasnik općine Kalesija» broj 7/03, 12/05.) Općinsko vijeće Kalesija na sjednici održanoj dana 27.01.2006. godine, d o n o s i

## ODLUKU

o vrstama i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća

### I

Ovom odlukom utvrđuje se vrsta i minimum sredstava koja su neophodna za sprovođenje lične i kolektivne zaštite građana i zaposlenika u poslovnim objektima i stambenim zgradama od ugrožavanja prirodnim nepogodama, tehničko-tehnološkim, ekološkim i drugim nesrećama (u daljem tekstu: prirodne i druge nesreće) koja su dužni da nabave građani i sva pravna lica koja su vlasnici poslovnih objekata i stambenih zgrada za zaštitu svojih zaposlenika i rokovi za nabavku tih sredstava.

### II

Građani-etažni vlasnici i građani vlasnici stambenih zgrada, odnosno kuća dužni su za potrebe zaštite i spašavanja svoje porodice i imovine nabaviti i držati u funkcionalnom stanju sljedeća sredstva i opremu, i to:

1. komplet za pružanje prve medicinske pomoći, koji sadrži: individualni prvi zavoj (12 cm x 5 m) sa jednim jastučetom (16 cm x 10 cm), individualni prvi zavoj (10 cm x 5 m) sa jednim jastučetom (12 cm x 10 cm), kaliko zavoj (8 cm x 5 m), sterilna gaza po ¼ m-pojedinačno pakovanje (80 cm x 25 cm), sterilna kompresa od gaze-pojedinačno pakovanje (20 cm x 20 cm), hansaplast, tosamaplast ili sličan (10 cm x 8 cm), ljepljivi flaster (1 cm x 1 m), trougla marama veličine 100 cm x 100 cm x 140 cm i gustoće 20 x 19, igla sigurnica, nožić za brijanje sa jahačem za paranje odijela i polivinski rukavac – kesa (70 cm x 40 cm), vazelinske gaze, gumena poveska (1,25 x 60 cm), jod (povidon) i jednokratne rukavice.

2. dezinfekciona sredstva: 2 dcl alkohola 70%,

3. priručna sredstva za dekontaminaciju: soda bikarobna 1 kutija,

4. aparat za gašenje početnih požara (S-6 ili minimalno sprej za gašenje početnih požara),

5. komplet alata koji obuhvata: lopatu, kramp ili motiku i brifer (ispitivač napona).

Sredstva iz stava 1. ove tačke, dužni su nabaviti sljedeći građani:

1. komplet iz tačke 1, 2, i 3 – svi građani,

2. aparat iz tačke 4. – građani vlasnici stambene zgrade, odnosno kuće, koji koriste plin, mazut, lož-ulje i sl., a prema vlastitoj odluci taj aparata mogu nabaviti i drugi građani,

3. alata iz tačke 5. – građani koji žive u vlastitim kućama na periferiji grada i u seoskim naseljima.

### III

U cilju sprečavanja nastanka određenih pojava i opasnosti, koje mogu ugroziti život i zdravlje većeg broja ljudi ili veću količinu materijalnih dobara, odnosno radi ublažavanja djelovanja takvih pojava ili opasnosti, sva pravna lica koja su vlasnici poslovnih objekata u kojima radi veći broj ljudi ili se nalaze takve materije, roba ili sredstva koja mogu izazvati nastanak određene opasnosti ili nesreće po život i zdravlje ljudi obavezni su nabaviti i čuvati u funkcionalnom stanju sredstva i opremu za sprovođenje lične i kolektivne zaštite ljudi u tim objektima, utvrđenje lične i kolektivne zaštite ljudi u tim objektima, utvrđenu u odredbama tačke IV ove odluke.

Sredstva i opremu iz tačke IV ove odluke dužna su nabaviti sva pravna lica koja obavljaju svoju djelatnost u sljedećim poslovnim objektima: robnim kućama, prodavnicama, tržnim centrima, sportskim halama, diskotekama, proizvodnim halama, obdaništima, školama, fakultetima, zdravstvenim ustanovama, željezničkim i autobuskim stanicama, ugostiteljsko-turističkim objektima, benzinskim pumpama, skladištima u kojima se čuva građevinski materijal i hemijski proizvodi i drugi lako zapaljivi, otrovni ili eksplozivni materijali, prehrambene, tekstilne i druge robe, servisnim radionicama, kino-dvoranama i drugim sličnim poslovnim objektima.

### IV

Pravna lica koja su vlasnici poslovnih objekata iz stava 2. tačke III ove odluke, dužna

su za svaki objekat pojedinačno, kao minimum nabaviti sljedeća sredstva i opremu, i to:

1. jedan komplet za pružanje prve medicinske pomoći iz tačke 1) stav 1. tačke II ove odluke. Ovaj komplet nabavlja se za poslovni prostor u kojem se nalazi do 20 zaposlenika;

2. najmanje jednu priručnu apoteku (ormarić prve pomoći) na svakih 20 do 100 zaposlenih, a na svakih daljih 200 zaposlenih, još po jednu priručnu apoteku, koja sadrži: kaliko zavoj-utkani rub 10 x 5-2 kom., kaliko zavoj-utkani rub 4 x 5 . 5 kom., kaliko zavoj utkani rub 5 x 5 – 5 kom., mullt zavoj rezani 8 x 5 – 3 kom., hidrofilna gaza ¼ metra . 4 kom., hidrofilna gaza 1/2 metra – 4 kom, hidrofilna gaza 1 metar – 2 kom, sterilna gaza ¼ metra – 3 kom., sterilna gaza ½ metra – 2 kom., sterilna gaza 1 metar. – 2 kom., hidrofilne komprese – 10 kom., individualni prvi zavoj TIP 2. , vata 50 g – 1 pakovanje, sanifix 2 x 5 – 1 kom., saniplast 10 x 4 – 5 kom., vazelinske gaze, zihericice – sigurnice – 5 kom., žilet 1 kom., turban zavoj br. 0 a 1 metar – 1 kom., turban zavoj br. 0,2 a 1 metar – 1 kom., turban zavoj br.1 a 1 metar – 1 kom., trougla marama – 2 kom. I alkohol 70% - 1 kom. I jod (povidon).

3. jedna nosila na svakih 50 zaposlenih,

4. najmanje jedan komplet sredstava za dezinfekciju poslovnog prostora, radne površine, strojeva i vozila koja se koriste u okviru djelatnosti, koji sadrži: 10 grama deterđženta na 1 m2 poslovnog prostora ili 100 grama kaporita na 1 m2 površine,

5. najmanje po jedan komplet alata, koji obuhvata: lopatu, kramp, sjekiru, čekić /macola/, ćuskiju, pilu za gvožđe, kliješta i brifer (ispitivač napona).

Pravna lica koja su vlasnici poslovnih objekata u kojima se obavljaju djelatnosti hemijske industrije dužni su, pored sredstava i opreme iz stava 1. ove tačke, nabaviti i najmanje jedan komplet za dekontaminaciju odgovarajućeg broja zaposlenika, kao i za dekontaminaciju objekta, radnih površina i sredstava koja se koriste u obavljanju te djelatnosti. Ovaj komplet utvrđuje nadležni organ pravnog lica u saradnji sa općinskom službom civilne zaštite.

Količine sredstava i opreme iz st.1. i 2. ove tačke, koje su dužni nabaviti pravna lica i vlasnici poslovnih objekata iz stava 2. tačke III ove odluke, utvrđuje neposredno pravno lice, u saradnji sa općinskom službom civilne zaštite, u skladu sa brojem zaposlenika i procjenom ugroženosti poslovnog objekta, osebno prema izvorima kontaminacije iz stava 2. ove tačke, što se utvrđuje zapisnikom.

## V

Za potrebe kolektivne zaštite u stambenim zgradama koje se u skladu sa zakonom, nalaze u etažnom vlasništvu građana, a koje imaju najmanje dva ili više spratova, moraju se nabaviti sljedeća sredstva i oprema za zaštitu, i to:

1. komplet alata iz tačke 5. stav 1. tačke IV ove odluke, i

2. vatrogasni aparat (najmanje po jedan za svaka dva sprata, odnosno u skladu sa propisima o zaštiti od požara).

Nabavku sredstava i opreme iz stava 1. ove tačke, njeno čuvanje i održavanje u funkcionalnom stanju, kao i održavanje hidrantske mreže i protivpožarnih stepeništa iz stava 4. ove tačke, vrši pravno lice (upravitelj zgrade i sl.) sa kojima su etažni vlasnici zaključili odgovarajući ugovor o održavanju zajedničkih dijelova zgrade, u skladu sa odgovarajućim propisima kantona.

Nabavku sredstava iz stava 1. ove tačke, pravno lice iz stava 2. ove tačke, vrši u saradnji sa općinskom službom civilne zaštite.

U okviru održavanja zajedničkih dijelova stambene zgrade, upravitelj zgrade dužan je održavati u ispravnom stanju hidrantsku mrežu koja je ugrađena u zgradi (vatrogasno crijevo sa mlaznicom), kao i protivpožare stepenice, ako postoje u zgradi, odnosno zanoviti vatrogasno crijevo sa mlaznicom, ako je oštećeno ili nestalo.

## VI

Ukoliko je neko od sredstava predviđenih u tač. II, IV i V ove odluke, nabavljeno po nekom drugom propisu, u tom slučaju to sredstvo se ne nabavlja po odredbama ove odluke.

## VII

Sredstva za ličnu i kolektivnu zaštitu utvrđena ovom odlukom nabavit će se u rokovima, i to:

1. građani, sredstva iz tačke II ove odluke- do kraja 2010. godine;
2. pravna lica, sredstva iz tačke IV ove odluke – do kraja 2007.godine;
3. pravna lica iz stava 2. tačke V ove odluke – do kraja 2008.

Organi iz stava 3. tačke IV ove odluke dužni su vrste i količine sredstava i opreme iz te odredbe utvrditi najkasnije u roku od jedne godine od dana stupanja na snagu ove Odluke.

## VIII

Subvencioniranje nabavke sredstava i opreme iz tačke II stav 1, 2 i 3 Odluke o vrstama i minimalnim količinama sredstava potrebnih za sprovođenje lične i kolektivne zaštite građana i zaposlenika u poslovnim objektima i stambenim zgradama od prirodnih i drugih nesreća vršit će se iz sredstava prikupljenih po osnovu člana 180. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH» broj 39/03.) za sledeće kategorije stanovništva u procentima:

- socijalno ugroženi koji primaju stalnu novčanu pomoć .....95%
- socijalno ugroženi koji primaju naknadu za njegu i pomoć od strane drugog lica... 50%
- ratni vojni invalidi .....30%

## IX

Sredstva i oprema utvrđena ovom odlukom moraju se smjestiti i čuvati na uslovnom, sigurnom i vidnom mjestu i održavati u funkcionalnom stanju, te koristiti samo prema njihovoj namjeni.

Sredstva iz tač.II.IV i V ove odluke koja su ograničenog roka trajanja, moraju se zanoviti prije isteka tog roka, a potrošena, oštećenja ili na bilo koji način nestala sredstva, zanavljaju se najkasnije u roku od 60 dana od dana nastanka oštećenja, odnosno nestanka.

## X

Fizička i pravna lica koja se nebudu pridržavala odredaba poglavlja II tačke 1., 2., 3.,4. i 5., poglavlja, IV tački 1.,2.,3.,4., i 5., ove Odluke sankcionisat će se u skladu sa članom 194., 195., i 196. kaznenih odredaba Zakona o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH» broj 39/03.).

## XI

Nadzor nad primjenom ove odluke vrši Federalna i kantonalna uprava civilne zaštite.

## XII

Ova odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Broj:01-05-2-215  
Datum, 27.01.2006. godine

Hata Mujčinović dipl.ing.tehn. s.r.

## 6

Na osnovu člana 311. i 313. Zakona o privrednim društvima ("Sl. novine FBiH", broj: 23/99, 45/00, 2/02, 6/02: 29/03), člana 3. Zakona o javnim preduzećima u Federaciji BiH ("Sl. novine FBiH", broj: 8/05) i člana 39. Statuta Općine Kalesija,(Sl.glasnik Općine Kalesije br:7/03 i 12/05), Općinsko vijeća Kalesija, na sjednici održanoj dana 27.01.2006. godine, d o n o s i

## ODLUKU

o usklađivanju statusa Javnog preduzeća „Veterinarska stanica Kalesija“ u Kalesija sa Zakonom o javnim preduzećima u Federaciji BiH i Zakonom o privrednim društvima

## I OPŠTE ODREDBE

### Član 1.

Ovom Odlukom vrši se usklađivanje sa Zakonom o javnim preduzećima u Federaciji BiH i Zakonom o privrednim društvima statusa

Javnog preduzeća „Veterinarska stanica Kalesija“, koje je upisano u sudski registar kod kantonalnog suda Tuzla pod brojem 1-1562 rješenjem U/I-3594/97 od 22.12.1997.godine i rješenjem broj U/I-261/04 od 01.04.2004.godine kojim je upisana promjena podataka o subjektu upisa u sudski registar.

Usklađivanje Javnog preduzeća u skladu sa zakonima iz prethodnog stava obuhvata:

- promjenu oblika,
- upravljanje,
- usklađivanje osnivačkog akta.

U skladu sa stavom 1. ovog člana Javno preduzeće „Veterinarska stanica Kalesija“ Kalesija organizuje se kao društvo s ograničenom odgovornošću (u daljnjem tekstu: Javno preduzeće).

#### Član 2.

Osnivač Javnog preduzeća je Opština Kalesija.

Osnivač povjerava Javnom preduzeću obavljanje djelatnosti od javnog društvenog interesa.

### II FIRMA I SJEDIŠTE

#### Član 3.

Javno preduzeće posluje pod firmom: Javno preduzeće „Veterinarska stanica“ društvo ograničene odgovornosti Kalesija.

Skraćeni naziv firme je **JP „Veterinarska stanica“ d.o.o. Kalesija.**

Sjedište Javnog preduzeća je u Kalesiji, Kalesija bb.

Javno preduzeće ima svoj pečat i štambilj.

### III DJELATNOST JAVNIH PREDUZEĆA

#### Član 4.

Javno preduzeće obavlja djelatnost u skladu djelatnosti upisanoj u sudski registar i razvrstanoj u skladu Odluke o standardnoj klasifikaciji djelatnosti u Federaciji BiH, ("SI. novine FBiH", broj: 28/98).

Djelatnost Javnog preduzeća je:

- 01.211 Uzgoj goveda za proizvodnju mesa
- 01.212 Uzgoj goveda za mlijeko i priplod
- 01.221 Uzgoj ovaca i koza
- 01.240 Uzgoj peradi

- 01.251 Uzgoj pčela, proizvodnja meda i pčelinjeg voska
- 01.252 Uzgoj ostalih životinja, na drugom mjestu nepomenutih
- 01.410 Uslužne djelatnosti u biljnoj proizvodnji
- 01.420 Uslužne djelatnosti u stočarstvu, osim veterinarskih usluga
- 05.020 Mrestilišta i ribnjaci
- 51.110 Posredništvo u trgovini poljoprivrednim sirovinama, živom stokom, tekstilnim sirovinama i poluproizvodima
- 51.180 Posredništvo u trgovini specijalizovanoj za određene proizvode ili grupe proizvoda, na drugom mjestu nepomenuto
- 51.210 Trgovina na veliko žitaricama, sjemenjem i stočnom hranom
- 51.220 Trgovina na veliko cvijećem i sadnicama
- 51.230 Trgovina na veliko živom stokom
- 51.330 Trgovina na veliko mlijekom, mliječnim proizvodima, jajima, jestivim uljima i masnoćama
- 51.550 Trgovina na veliko hemijskim proizvodima (đubrivima i poljoprivredno hemijskim proizvodima i dr.)
- 51.660 Trgovina na veliko poljoprivrednim mašinama, priključcima i oruđem uključujući traktore
- 52.120 Ostala trgovina na malo u nespecijalizovanim prodavnicama
- 52.220 Trgovina na malo mesom i mesnim proizvodima
- 52.230 Trgovina na malo ribom, školjkama i rakovima
- 52.300 Trgovina na malo farmaceutskim, medicinskim, kozmetičkim i toaletnim proizvodima
- 52.460 Trgovina na malo željeznom robom, bojama, staklom i ostalim građevinskim materijalom
- Trgovina na malo cvijećem
- Obrazovanje odraslih, na drugom mjestu nepomenuto
- 85.200 Veterinarska djelatnost

### IV OSNOVNI KAPITAL

#### Član 5.

Osnovni kapital Javnog preduzeća utvrdit će se nakon izvršene revizije kapitala preduzeća

kojom će se utvrditi stvarna vrijednost imovine, najkasnije u roku od 6 mjeseci od donošenja Odluke.

Udio osnivača u osnovnom kapitalu je 100 %.

Iznos osnovnog kapitala može se mijenjati odlukom osnivača.

Uprava je dužna voditi knjigu udjela na način kojim se osigurava tačna i potpuna evidencija, a dužna je isto uspostaviti nakon upisa Javnog preduzeća u sudski registar u skladu Članu 326. Zakona o privrednim društvima.

## V ORGANI JAVNOG PREDUZEĆA

### Član 6.

Organi Javnog preduzeća su:

- Skupština,
- Nadzorni odbor,
- Uprava, kao organi upravljanja, i
- Odbor za reviziju, kao poseban organ.

### 1. Skupštine

#### Član 7.

Funkciju Skupštine javnog preduzeća u ime osnivača obavlja Općinski načelnik. Skupština je najviši organ upravljanja i obavlja sljedeće poslove:

- donosi Statut Javnog preduzeća, njegove izmjene i dopune,
- određuje raspodjelu godišnje dobiti i pokriće gubitaka,
- odlučuje o povećanju i smanjenju osnovnog kapitala,
- odlučuje o osnivanju i kupovini drugih preduzeća,
- donosi plan poslovanja, investiranja i trajne poslovne suradnje, odnosno povezivanja s drugim poduzećima,
- donosi Etički kodeks, poslovnike i druge opšte akte na prijedlog Nadzornog odbora,
- imenuje i razrješava Nadzorni odbor i Odbor za reviziju,
- usvaja godišnje izvještaj Javnog preduzeća koji uključuje finansijsko izvještaj i izvještaj revizora Nadzornog odbora i Odbora za reviziju,
- vrši promjenu oblika i podjelu Javnog preduzeća,

- odlučuje o naknadama članova Nadzornog odbora i Odbora za reviziju,
- razmatra i ostala pitanja u skladu Zakonu o privrednim društvima, Zakonu o javnim poduzećima i Statutu Javnog preduzeća.

Nadzorni odbor

### Član 8.

Nadzorni odbor imenuje Skupština Javnog preduzeća u skladu člana 7. zakona o javnim preduzećima FBiH (Sl. Novine FBiH 8/05).

Nadzorni odbor sastoji se od tri člana i nadležan je da:

- nadzire rad Uprave,
- priprema i predlaže Etički kodeks, poslovnike i druge opće akte koje usvaja Skupština Javnog preduzeća,
- imenuje i razrješava članove Uprave i predlaže kandidate za Odbor za reviziju,
- razmatra provedbeni propis za postupak nabavke i nadzire postupak javnih nabavki,
- daje mišljenje Skupštini o prijedlogu Uprave za raspodjelu profita,
- daje ovlaštenja za aktivnosti koje su ograničene na osnovu odredaba Zakona o javnim poduzećima,
- daje upute direktoru za provođenje uviđaja u vezi s uočenim nepravilnostima.

Uprava

### Član 9.

Javno preduzeće predstavlja i zastupa Uprava i odgovorna je za zakonitost poslovanja Javnog preduzeća. Upravu čini direktor.

Uprava se bira na osnovu javnog konkursa iz reda kandidata koji u pogledu stručne spreme najbolje odgovaraju za obavljanje poslova, a ne mogu imati funkciju u političkim strankama.

Uprava je nadležna za izvještavanje Nadzornog odbora i provedbu Etičkog kodeksa, izradu i realizaciju planova poslovanja i postupka nabavki, te predlaganje raspodjele profita, prijem zaposlenika i reguliranje njihovog pravnog statusa i druga pitanja regulirana Statutom Javnog preduzeća.



Direktor može vršenje neposrednog nadzora iz nadležnosti Uprave povjeriti jednom ili više svojih članova uz pisanu saglasnost Nadzornog odbora, ali će Uprava i dalje biti odgovorna za izvršenje svake od prenesenih dužnosti.

#### 4.Odbor za reviziju

##### Član 10.

Odbor za reviziju imenuje Skupština na prijedlog Nadzornog odbora.

Odbor za reviziju sastoji se od tri člana i dužan je:

- izvršiti reviziju polugodišnjih i godišnjih obračune i reviziju financijskog poslovanja Javnog preduzeća i o tome izvijestiti osnivača, odnosno Skupštinu i Nadzorni odbor u roku od 8 dana od dana okončanja revizije,
- obavljati poslove u skadu sa članom 28. Zakona o javnim preduzećima u Federaciji BiH.

#### VI RASPODJELA PROFITA

##### Član 11.

U svakoj financijskoj godini Uprava Javnog preduzeća, na bazi utvrđenog iznosa neto profita izraženog u svom revidiranom financijskom izvještaju pripremljenom u skladu važećim propisima, predlaže iznos, ukoliko za to postoje uslovi, da se za danu financijsku godinu rasporedi kao profit ili privremena dividenda.

Prilikom odlučivanja o iznosu koji može biti raspoređen kao profit, Uprava će voditi računa o preporukama danim od Odbora za reviziju, te ukupnim financijskim obavezama Javnog preduzeća u financijskoj godini na icoju se raspodjela odnosi, uključujući i iznos neto profita potrebnog Javnom preduzeću u toj financijskoj godini za realizaciju bilo kojeg zadatka iz plana poslovanja Javnog preduzeća, kao i iznos kapitalnih izdataka, te drugih investicija neophodnih za pravilno održavanje i rast Javnog preduzeća.

#### VII SUKOB INTERESA

##### Član 12.

Na sukobe interesa, odnosno povezane osobe primjenjuju se odredbe Zakona o javnim preduzećima u Federaciji BiH o sukobu interesa.

Prava i obaveze osoba na koje se odnosi sukob interesa uređuju se Statutom Javnog preduzeća.

#### VIII NEDOPUŠTENE AKTIVNOSTI

##### Član 13.

Javnom preduzeću strogo je zabranjeno obavljanje sljedećih aktivnosti:

davanje kredita ili pozajmica zaposlenim u Javnom preduzeću ili trećim osobama, ili pružanje garancija ili osiguranja za kredit; davanja putem donacija u suprotnosti s odredbama važećih zakona o dodjeli sredstava ili donacijama;

- isplata plaća zaposlenim na bilo kakvoj listi čekanja;

- isplata plaća zaposlenim protivno odredbama važećih zakona o penzijskom i zdravstvenom osiguranju;

- učestvovanje u postupku nabavke u svojstvu ponuđača bilo koje osobe koja je pripremila poziv za tender;

- vršenje izmjena ili dopuna u bilo kojem već zaključenom ugovoru o nabavci, osim ako nisu izvršene u skladu važećim zakonima o nabavci;

prihvat plaćanja sredstvom koje zamjenjuje novac, plaćanja u naturi, ili gotovinskom ekvivalentu;

investiranje tekućih sredstava Javnog preduzeća, osim kada se radi o odobrenim investicijama prema definiciji danoj u važećim zakonima o investiranju javnih fondova;

- zaključenje ugovora o raspolaganju s ukupnom vrijednošću većom od 10.000,00 KM, bez potpisa direktora i odgovornog člana Uprave;

- obnavljanje ili materijalno mijenjanje postojećih zajmova dodijeljenih povezanim osobama ili trećim stranama.

## IX OGRANIČENE AKTIVNOSTI

### Član 14.

Javno preduzeće može preduzeti sljedeće aktivnosti, isključivo uz pisano ovlaštenje Nadzornog odbora:

- izmirenje duga prema povjeriocu Javnog preduzeća plaćanjem trećoj osobi (ugovori o cesiji duga),
- prebijanje dugova prema nekoj strani s dugovima te iste strane koja je iz tograzloga istovremeno i povjerilac i dužnik Javnog preduzeća (ugovori o prostoju kompenzaciji),
- učesće u aranžmanu višestrukog prebijanja dugova između više strana bilo da je isti aranžman organizirala vlada ili drugi organ (ugovori o multilateralnoj odnosno višestrukoj kompenzaciji),
- izmirenje duga prema Javnom preduzeću u slučaju da dužnik plaća povjeriocu Javnog preduzeća,
- otpis dugovanja.

## X NADZOR NAD RADOM

### Član 15.

Nadzor nad radom Javnog preduzeća i ispunjavanja javnog društvenog interesa zbog kojeg je ono osnovano vrši osnivač putem nadležne službe opštine.

## XI PRESTANAK JAVNOG PREDUZEĆA

### Član 16.

Javno preduzeće prestaje u skladu sa Zakonom i Statutom Javnog preduzeća:

- Spajanjem, pripajanjem i podjelom;
- Odlukom Skupštine;
- Odlukom suda;
- stečajem.

Odluku o prestanku Javnog preduzeća donosi osnivač.

Odluka o prestanku Javnog preduzeća dostavlja se registarskom sudu najkasnije osam dana od dana donošenja.

## XII PRELAZNE I ZAVRŠNE ODREDBE

### Član 17.

Prvu Skupštinu Javnog preduzeća saziva osnivač.

### Član 18.

Statut, kao najviši opći akt, donijet će se u roku od 60 dana od dana upisa Javnog preduzeća u sudski registar.

Opće akte donose organi upravljanja Javnog preduzeća.

### Član 19.

Prijavu za upis u sudski registar podnijet će lice koje trenutno vrši funkciju direktora.

### Član 20.

Ova odluka stupa na snagu danom objavljivanja u «Službenom glasniku općine Kalesija»

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-209  
Datum, 30.01.2006.godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn. s.r.

## 7

Na osnovu člana 311. i 313. Zakona o privrednim društvima ("Sl. novine FBiH", broj: 23/99, 45/00, 2/02, 6/02 : 29/03), člana 3. Zakona o javnim preduzećima u Federaciji BiH ("Sl. novine FBiH", broj: 8/05) i člana 39. Statuta Općine Kalesija, (Sl. glasnik Općine Kalesije br:7/03), Općinsko vijeća Kalesija, na sjednici održanoj dana 27.01.2006. godine,  
d o n o s i

## ODLUKU

o usklađivanju statusa Javnog preduzeća „Vodovod i kanalizacija Kalesija“ u Kalesija sa Zakonom o javnim preduzećima u Federaciji BiH i Zakonom o privrednim društvima

## I OPŠTE ODREDBE

### Član 1.

Ovom Odlukom vrši se usklađivanje sa Zakonom o javnim preduzećima u Federaciji BiH i Zakonom o privrednim društvima statusa Javnog preduzeća Kalesija, koje je upisano u sudski registar kod kantonalnog suda Tuzla

matični reg. Br. 3-36 rješenjm U/I-976/02 od 26.09.2002.godine i matični reg.br. 1-13565 rješenjem U/I-1730/05 od 28.10.2005.godine kojim je upisana promjena podataka o ovlaštenom zastupniku subjekta upisa.

Usklađivanje Javnog preduzeća u skladu sa zakonima iz prethodnog stava obuhvata:

- promjenu oblika,
- upravljanje,
- usklađivanje osnivačkog akta.

U skladu sa stavom 1. ovog člana Javno preduzeće „Vodovod i kanalizacija Kalesija“ Kalesija organizuje se kao društvo s ograničenom odgovornošću (u daljnjem tekstu: Javno preduzeće).

#### Član 2.

Osnivač Javnog preduzeća je Općina Kalesija.

Osnivač povjerava Javnom preduzeću obavljanje djelatnosti od javnog društvenog interesa.

### II FIRMA I SJEDIŠTE

#### Član 3.

Javno preduzeće posluje pod firmom: Javno preduzeće „Vodovod i kanalizacija Kalesija“ društvo ograničene odgovornosti Kalesija.

Skraćeni naziv firme je JP „Vodovod i kanalizacija Kalesija“ d.o.o. Kalesija.

Sjedište Javnog preduzeća je u Kalesiji, Ul.Patriotske lige bb.

Javno preduzeće ima svoj pečat i štambilj.

### III DJELATNOST JAVNOG PREDUZEĆA

#### Član 4.

Javno poduzeće obavlja djelatnost u skladu djelatnosti upisanoj u sudski registar i razvrstanoj u skladu Odluci o standardnoj klasifikaciji djelatnosti u Federaciji BiH, ("SI. novine FBiH", broj: 28/98).

Djelatnost Javnog preduzeća je:

- 41.000 skupljanje, prečišćavanje i distribucija vode, izgradnja hidrograđevinskih objekata, održavanje hidrograđevinskih objekata
- 28.520 opći mehanički radovi
- 90.000 uklanjanje otpadnih voda, odvoz smeća i slične djelatnosti

### IV OSNOVNI KAPITAL

#### Član 5.

Osnovni kapital Javnog preduzeća iznosi 4.000.000 KM prema odluci o davanju na korištenje vodovodnog sistema Javnom preduzeću „Vodovod i kanalizacija Kalesija“ broj 01-05-2-254/03 od 31.01.2003. godine.

Udio osnivača u osnovnom kapitalu je 100 %.

Iznos osnovnog kapitala može se mijenjati odlukom osnivača.

Uprava je dužna voditi knjigu udjela na način kojim se osigurava tačna i potpuna evidencija, a dužna je isto uspostaviti nakon upisa Javnog preduzeća u sudski registar u skladu Članu 326. Zakona o privrednim društvima.

### V ORGANI JAVNOG PREDUZEĆA

#### Član 6.

Organi Javnog preduzeća su:

Skupština,

Nadzorni odbor,

Uprava, kao organi upravljanja, i

Odbor za reviziju, kao poseban organ.

##### 1. Skupština

#### Član 7.

Funkciju Skupštine javnog preduzeća u ime osnivača obavlja Općinski načelnik. Skupština je najviši organ upravljanja i obavlja sljedeće poslove:

- donosi Statut Javnog preduzeća, njegove izmjene i dopune,
- određuje raspodjelu godišnje dobiti i pokriće gubitaka,
- odlučuje o povećanju ismanjenju osnovnog kapitala,
- odlučuje o osnivanju i kupovini drugih preduzeća,
- donosi plan poslovanja, investiranja i trajne poslovne suradnje, odnosno povezivanja s drugim poduzećima,
- donosi Etički kodeks, poslovničke i druge opšte akte na prijedlog Nadzornog odbora,

- imenuje i razrješava Nadzorni odbor i Odbor za reviziju,
- usvaja godišnje izvještaj Javnog preduzeća koji uključuje finansijsko izvještaj i izvještaj revizora Nadzornog odbora i Odbora za reviziju,
- vrši promjenu oblika i podjelu Javnog preduzeća,
- odlučuje o naknadama članova Nadzornog odbora i Odbora za reviziju,
- razmatra i ostala pitanja u skladu Zakonu o privrednim društvima, Zakonu o javnim poduzećima i Statutu Javnog preduzeća.

Nadzorni odbor

#### Član 8.

Nadzorni odbor imenuje Skupština Javnog preduzeća u skladu člana 7. zakona o javnim preduzećima FBiH (Sl. Novine FBiH 8/05).

Nadzorni odbor sastoji se od tri člana i nadležan je da:

- nadzire rad Uprave,
  - priprema i predlaže Etički kodeks, poslovničke i druge opće akte koje usvaja Skupština Javnog preduzeća,
- imenuje i razrješava članove Uprave i predlaže kandidate za Odbor za reviziju,
- razmatra provedbeni propis za postupak nabavke i nadzire postupak javnih nabavki,
  - daje mišljenje Skupštini o prijedlogu Uprave za raspodjelu profita,
  - daje ovlaštenja za aktivnosti koje su ograničene na osnovu odredaba Zakona o javnim poduzećima,
  - daje upute direktoru za provođenje uviđaja u vezi s uočenim nepravilnostima.

### 3. Uprava

#### Član 9.

Javno preduzeće predstavlja i zastupa Uprava i odgovorna je za zakonitost poslovanja Javnog preduzeća. Upravu čine direktor i izvršni direktori.

Broj izvršnih direktora utvrđuje se Statutom Javnog preduzeća.

Uprava se bira na osnovi javnog konkursa iz reda kandidata koji u pogledu stručne spreme najbolje odgovaraju za obavljanje poslova, a ne mogu imati funkciju u političkim strankama.

Uprava je nadležna za izvještavanje Nadzornog odbora i provedbu Etičkog kodeksa, izradu i realizaciju planova poslovanja i postupka nabavki, te predlaganje raspodjele profita, prijem zaposlenika i reguliranje njihovog pravnog statusa i druga pitanja regulirana Statutom Javnog preduzeća.

Direktor može vršenje neposrednog nadzora iz nadležnosti Uprave povjeriti izvršnom direktoru, ali i dalje ostaje solidarno odgovoran s izvršnim direktorom za izvršavanje propisanog posla.

Izvršni direktori organiziraju rad, zastupaju i predstavljaju preduzeće i odgovaraju za zakonitost poslovanja u obimu koje im odredi direktor, a što se utvrđuje posebnim rješenjem koje donosi direktor Javnog preduzeća.

### 4. Odbor za reviziju

#### Član 10.

Odbor za reviziju imenuje Skupština na prijedlog Nadzornog odbora.

Odbor za reviziju sastoji se od tri člana i dužan je:

- izvršiti reviziju polugodišnjih i godišnjih obračune i reviziju finansijskog poslovanja Javnog preduzeća i o tome izvijestiti osnivača, odnosno Skupštinu i Nadzorni odbor u roku od 8 dana od dana okončanja revizije,
- obavljati poslove u skladu sa članom 28. Zakona o javnim preduzećima u Federaciji BiH.

### VI RASPODJELA PROFITA

#### Član 11.

U svakoj finansijskoj godini Uprava Javnog preduzeća, na bazi utvrđenog iznosa neto profita izraženog u svom revidiranom finansijskom izvještaju pripremljenom u skladu važećim propisima, predlaže iznos, ukoliko za to postoje uslovi, da se za danu finansijsku

godinu rasporedi kao profit ili privremena dividenda.

Prilikom odlučivanja o iznosu koji može biti raspoređen kao profit, Uprava će voditi računa o preporukama danim od Odbora za reviziju, te ukupnim financijskim obavezama Javnog preduzeća u financijskoj godini na icoju se raspodjela odnosi, uključujući i iznos neto profita potrebnog Javnom preduzeću u toj financijskoj godini za realizaciju bilo kojeg zadatka iz plana poslovanja Javnog preduzeća, kao i iznos kapitalnih izdataka, te drugih investicija neophodnih za pravilno održavanje i rast Javnog preduzeća.

## VII SUKOB INTERESA

### Član 12.

Na sukobe interesa, odnosno povezane osobe primjenjuju se odredbe Zakona o javnim preduzećima u Federaciji BiH o sukobu interesa.

Prava i obaveze osoba na koje se odnosi sukob interesa uređuju se Statutom Javnog preduzeća.

## VIII NEDOPUŠTENE AKTIVNOSTI

### Član 13.

Javnom preduzeću strogo je zabranjeno obavljanje sljedećih aktivnosti:

davanje kredita ili pozajmica zaposlenim u

Javnom preduzeću ili trećim osobama, ili pružanje garancija ili osiguranja za kredit; davanja putem donacija u suprotnosti s odredbama važećih zakona o dodjeli sredstava ili donacijama; isplata plaća zaposlenim na bilo kakvoj listi čekanja; isplata plaća zaposlenim protivno odredbama važećih zakona o penzijskom i zdravstvenom osiguranju; učestvovanje u postupku nabavke u svojstvu ponuđača bilo koje osobe koja je pripremila poziv za tender; vršenje izmjena ili dopuna u bilo kojem već zaključenom ugovoru o nabavci, osim ako nisu izvršene u skladu važećim zakonima o nabavci; prihvatanje plaćanja sredstvom koje zamjenjuje novac, plaćanja u naturi, ili gotovinskom ekvivalentu; investiranje tekućih sredstava Javnog preduzeća, osim kada

se radi o odobrenim investicijama prema definiciji danoj u važećim zakonima o investiranju javnih fondova; zaključenje ugovora o raspolaganju s ukupnom vrijednošću većom od 10.000,00 KM, bez potpisa direktora i odgovornog člana Uprave; obnavljanje ili materijalno mijenjanje postojećih zajmova dodijeljenih povezanim osobama ili trećim stranama.

## IX OGRANIČENE AKTIVNOSTI

### Član 14.

Javno preduzeće može preduzeti sljedeće aktivnosti, isključivo uz pisano ovlaštenje Nadzornog odbora:

- izmirenje duga prema povjeriocu Javnog preduzeća plaćanjem trećoj osobi (ugovori o cesiji duga),

- prebijanje dugova prema nekoj strani s dugovima te iste strane koja je iz tog razloga istovremeno i povjerilac i dužnik Javnog preduzeća (ugovori o prostoju kompenzaciji),

- učešće u aranžmanu višestrukog prebijanja dugova između više strana bilo da je isti aranžman organizirala vlada ili drugi organ (ugovori o multilateralnoj odnosno višestrukoj kompenzaciji),

- izmirenje duga prema Javnom preduzeću u slučaju da dužnik plaća povjeriocu Javnog preduzeća,

- otpis dugovanja.

## X NADZOR NAD RADOM

### Član 15.

Nadzor nad radom Javnog preduzeća i ispunjavanja javnog društvenog interesa zbog kojeg je ono osnovano vrši osnivač putem nadležne službe opštine.

## XI PRESTANAK JAVNOG PREDUZEĆA

### Član 16.

Javno preduzeće prestaje u skladu sa Zakonom i Statutom Javnog preduzeća:

- Spajanjem, pripajanjem i podjelom;
- Odlukom Skupštine;
- Odlukom suda;
- stečajem.

Odluku o prestanku Javnog preduzeća donosi osnivač,

Odluka o prestanku Javnog preduzeća dostavlja se registarskom sudu najkasnije osam dana od dana donošenja.

## XII PRIJELAZNE I ZAVRŠNE ODREDBE

### Član 17.

Prvu Skupštinu Javnog preduzeća saziva osnivač.

### Član 18.

Statut, kao najviši opći akt, donijet će se u roku od 60 dana od dana upisa Javnog preduzeća u sudski registar.

Opće akte donose organi upravljanja Javnog preduzeća.

### Član 19.

Prijavu za upis u sudski registar podnijet će lice koje trenutno obavlja dužnost direktora.

### Član 20.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-210  
Datum, 30.01.2006.godine

PREDSJEDAVAJUĆI  
OPĆINSKOG VIJEĆA

Hata Mujčinović, dipl. ing. tehn. s.r.

## 8

Na osnovu člana 44. i 45. Zakona o građevinskom zemljištu (« Službene novine F BiH»), broj 25/03 i člana 31 i 41 i 43 Odluke o građevinskom zemljištu općine Kalesija («Službeni glasnik općine Kalesija», broj: 1/04,2/05 i 12/05), Općinsko vijeće Kalesija na sjednici održanoj dana 27.01.2006.godine, donosi

## RJEŠENJE

1. Općinskom sudu Kalesija iz Kalesije dodjeljuje se na korištenje radi izgradnje zgrade suda, neizgrađeno gradsko građevinsko zemljište po starom premjeru označeno sa:

kč.broj 2025/29 zvana Kalesija grad u naravi dvorište u površini od 264m<sup>2</sup> upisana u ZK uložak broj 5085 KO Prnjavor i kč.broj 2028/28 zvana Kalesija grad u naravi dvorište u površini od 700m<sup>2</sup> upisana u ZK uložak broj 485 KO Prnjavor što po novom premjeru odgovara dio u površini od 964 m<sup>2</sup> od parcela označenih sa:

kč.broj 299/1 zvana «Kalesija grad» u naravi kuća i zgrada u površini od 115 m<sup>2</sup> i dvorište u površini od 5880 m<sup>2</sup>, kč.broj 323 zvana «Kalesija grad» u naravi kuća i zgrada u površini od 237 m<sup>2</sup> i njiva 6 klase u površini od 638 m<sup>2</sup> i kč.broj 324/4 zvana «Gladovo» u naravi njiva 6 klase u površini od 659 m<sup>2</sup> upisana u PL broj 61 KO Kalesija Grad u posjed Općine Kalesija.

2. Za dodijeljeno zemljište korisnik je dužan platiti naknadu za preuzeto zemljište u iznosu od 13.496,00KM (trinaesthiljadačetiristodevedesetšest konvertibilnih maraka), na žiro-račun Općine Kalesija broj - 1321400311635477 vrsta prihoda 722631 šifra općine 044 kao i naknadu za prirodne pogodnosti ( rentu) u iznosu od 39.766,50KM (tridesetdevethiljadasedamstošezdesetšest konvertibilnih maraka i 50 feninga) na žiro-račun Općine Kalesija broj - 1321400311635477 vrsta prihoda 721121 šifra općine 044.

Naknada se ima uplatiti u roku od 15 dana po prijemu ovog rješenja,

3. Na zemljištu iz tačke 1 ovog rješenja, nakon pravosnažnosti rješenja u Zemljišnim knjigama Općinskog suda Kalesija i katastru općine Kalesija ima se brisati dosadašnji korisnici i posjednici i izvršiti uknjižba prava korištenja radi građenja i prava posjeda u korist Općinskog suda Kalesija iz Kalesije.

## O b r a z l o ž e n j e

Općinski sud Kalesija podnio je dana 06.01.2006.godine zahtjev da mu se dodijeli neizgrađeno građevinsko zemljište u državnoj svojini radi izgradnje zgrade suda na području grada Kalesija.

U postupku koji je prethodio donošenju ovog rješenja izvršen je uvid u regulacioni plan grada Kalesija, te je na osnovu istog na

predloženoj lokaciji konstatovano da je ista predviđena za izgradnju objekta pravosuđa.

Kako se trenutno Općinski sud Kalesija nalazi u prostoru koji je vlasništvo Općine Kalesija i da su prostorije za rad neuslovne to je valjalo usvojiti zahtjev za dodjelu zemljišta

Kako se u konkretnom slučaju radi o objektu za potrebe državnih organa tj. Izgradnji zgrade za potrebe suda to se uz primjenu člana 45.zakona o građevinskom zemljište pristupilo dodjeli gradskog građevinskog zemljišta na korištenje radi građenja neposrednom pogodbom Odredba o plaćanju naknade temelji se na članu 64. Zakona o građevinskom zemljištu («Sl.novine F BiH»br.25/03) i člana 31,41 i 43 Odluke o građevinskom zemljištu općine Kalesija («Sl.gl.općine Kalesija br.1/04, 2/05 i 12/05) kao i Odluke o utvrđivanju prosječne konačne građevinske cijene m2 korisne stanbene površine iz prethodne godine kao i načelne urbanističke saglasnosti broj 02/2-1-23-1-2777/05 od 12.12.2005.godine.

Na osnovu izloženog odlučeno je kao u dispozitivu ovog rješenja.

Ovo rješenje je konačno u upravnom postupku i protiv njega se ne može izjaviti žalba, ali se može pokrenuti upravni spor podnošenjem tužbe u roku od trideset dana po prijemu ovog rješenja kod Kantonalnog suda Tuzla. Tužba se neposredno podnosi sudu.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA

Broj:01-05-2-216

Hata Mujčinović dipl.ing.tehn. s.r.

Datum:27.01.2006. godine

## 9

Na osnovu člana 56 Statuta Općine Kalesija ("Sl. glasnik Općina Kalesija", broj: 7/03 i 12/05), Načelnik općine Kalesija dana 23.01.2006. godine, d o n o s i:

### P R A V I L N I K

o utvrđivanju kriterija za dodjelu stipendija redovnim studentima i učenicima generacije osnovnih i srednjih škola sa područja općine Kalesija

## I

Ovim Pravilnikom utvrđuju se uslovi, kriteriji i postupak za dodjelu stipendija redovnim studentima i učenicima generacije osnovnih i srednjih škola koji imaju stalno mjesto prebivališta na području općine Kalesija.

## II

Sredstva za dodjelu stipendija obezbjeđuju se iz budžeta Općine Kalesija, kao namjenska sredstva.

## III

Korisnici stipendija mogu biti:

1. Učenici generacije osnovnih i srednjih škola
2. Studenti na redovnom studiju

### UČENICI GENERACIJE

## IV

Učenici generacije osnovnih i srednjih škola mogu ostvariti pravo na dodjelu stipendije uz ispunjenje sljedećih uslova.

- da su državljani BiH
- da imaju prebivalište na području općine Kalesija
- da su po završetku prethodnog nivoa školovanja nastavili redovno školovanje u srednjoj, odnosno fakultetu.

## V

Stipendije za učenike generacije osnovnih i srednjih škola se dodjeljuju za jednu školsku, odnosno akademsku godinu.

## VI

Postupak za dodjelu stipendije se pokreće zahtjevom koji se može podnijeti najkasnije do kraja kalendarske godine u kojoj je učenik generacije nastavio školovanje, odnosno studij, po završetku prethodnog nivoa školovanja.

## VII

Učenicima generacije stipendija se isplaćuje na žiro-račun otvoren kod poslovne banke u 10 mjesečnih rata u sljedećim iznosima:

- učenicima generacije osnovnih škola u iznosu od po 50,00 KM
- učenicima generacije srednjih škola u iznosu od po 100,00 KM.

### REDOVNI STUDENTI

#### VIII

Pravo na dodjelu stipendije imaju studenti koji ispunjavaju sljedeće uslove:

- da su državljani BiH
- da su redovni studenti na jednom od Univerziteta u BiH
- da imaju prebivalište na području općine Kalesija
- da ne primaju kredit ili stipendiju od drugog davaoca
- da su završili prethodne godine školovanja (od I-IV razreda srednje škole) sa najmanjom prosječnom ocjenom 4,0 (za studenete koji prvi puta upisuju prvu godinu studija)
- da su završili prethodnu godinu studija sa najmanjom prosječnom ocjenom 7,0.

#### IX

Kriteriji za utvrđivanje liste kandidata za dodjelu stipendije su:

- uspjeh u školovanju
- socijalni status porodice
- postignuti rezultati na takmičenjima
- naučno-stručni rad u prethodnoj akademskoj godini

#### X

Uspjeh u školovanju utvrđuje se jedinstvenom prosječnom ocjenom iz prethodne godine studija zaokružanim na dvije decimale i pomnoženom sa 6 i to:

- za studente na prvoj godini studija..... prosječna ocjena uzevši sve razrede srednje škole (od I-IV razreda)
- za studente viših godina studija.....prosječna ocjena iz prethodne godine studija.

Za studente prve godine studija čiji se uspjeh u školovanju mjeri prosječnom ocjenom postignutoj u srednjoj školi, prosječna ocjena se množi koeficijentom 1,75 u cilju izjednačavanja

njihovog polaznog statusa sa studentima viših godina studija.

#### XI

Bodovi na osnovu socijalnog statusa porodice utvrđuje se na slijedeći način:

1. Studenti iz porodice - korisnika socijalne pomoći..... 20 bodova
2. Studenti iz porodica šehida i poginulih boraca ..... 16 bodova
3. Studenti kao članovi porodičnog domaćinstva čiji je nosilac invalid sa utvrđenim stepenom invaliditeta od 50% i više..... 15 bodova
4. Studenti kao članovi porodičnog domaćinstva čiji je nosilac nezaposleni demobilisani borac koji je učestvovao dvije ili više godina u ratu i studenti i učenici kao i članovi porodičnog domaćinstva čiji je nosilac invalid do do 50% ..... 14 bodova
5. Studenti kao članovi porodičnog domaćinstva čiji punoljetni članovi nisu u radnom odnosu..... 12 bodova
6. Studenti iz porodica čija su primanja po osnovu radnog odnosa ili penzije manja od **100,00** KM po članu domaćinstva ..... 10 bodova
7. Studenti iz porodica čija primanja po osnovu radnog odnosa ili penzije iznose od 101,00 – 150,00 KM po članu domaćinstva.....6 bodova
8. Studenti iz porodica čija su primanja po osnovu radnog odnosa ili penzije veća od 151,00 KM ..... 4 boda

Bodovi iz prethodnog stava se mogu dodijeliti samo pom jednom od navedenih kriterija koji je za podnosioca zahtjeva povoljniji.

Porodičnim domaćinstvom, smatra se zajednica stanovanja, privređivanja i trošenja ostvarenih prihoda.

Radno pravni status punoljetnih članova porodičnog domaćinstva dokazuje se uvjerenjem nadležnog biroa za zapošljavanje.

#### XII

1. Studenti koji su osvojili nagrade na kantonalnim takmičenjima za vrijeme



studija odnosno srednjeg obrazovanja iz oblasti koju studiraju:

- za prvo mjesto..... 5 bodova
- za drugo mjesto ..... 3 boda
- za treće mjesto ..... 2 boda

2. Studenti koji su osvojili nagrade na federalnom, državnom ili međunarodnom takmičenju za vrijeme studija odnosno srednjeg obrazovanja iz oblasti koju studiraju:

- za prvo mjesto ..... 7 bodova
- za drugo mjesto ..... 5 bodova
- za treće mjesto ..... 3 boda
- studenti koji su objavili naučno stručni rad u recenziranoj domaćoj ili stranoj publikaciji ..... 5 bodova

Kod ostvarenog istog broja bodova prednost imaju:

- a) studenti iz porodica korisnika socijalne pomoći
- b) studenti iz porodica šehida i poginulih boraca
- c) studenti iz porodica ratnih vojnih invalida
- d) studenti iz porodica nezaposlenih demobilisanih boraca

### XIII

Činjenice na osnovu kojih se vrši dodjela bodova podnosiocima zahtjeva utvrđuju se na osnovu dokumentacije podnijete uz zahtjev, a po potrebi i neposrednim uvidom od strane ovlaštenih lica.

### XIV

Postupak za dodjelu stipendija za studente provodi se putem konkursa. Konkurs se raspisuje na osnovu odluke Općinskog načelnika i sadrži:

- vrstu i broj stipendija i iznos pojedinačne stipendije
- kriterije za rangiranje kandidata
- potrebni dokumenti
- rok za podnošenje prijava

Konkurs se objavljuje najmanje u jednom dnevnom listu i na oglasnoj tabli Općine.

### XV

Za rješavanje zahtjeva za dodjelu stipendija po raspisanom konkursu Općinski načelnik formira komisiju od tri (3) člana.

Komisija ima zadatak da razmotri prijave prispjele na konkurs, sačini rang listu i predloži kandidate za dodjelu stipendija u roku od 15 dana od dana zaključenja konkursa.

### XVI

Na prijedlog Komisije, Odluku o dodjeli stipendije donosi Općinski načelnik.

Na Odluku iz prethodnog stava može se izjaviti žalba Komisiji za rješavanje po žalbama Općinskog vijeća Kalesija.

Žalba na odluku o dodjeli stipendija zadržava njihovo izvršenje.

### XVII

Na osnovu Odluke o dodjeli stipendija zaključuje se ugovor kojim se bliže utvrđuju međusobna prava i obaveze davaoca i korisnika stipendije.

Ugovor o stipendiranju zaključuje Općinski načelnik i student.

### XVIII

Korisnik stiče pravo na stipendiju do završetka studija, uz ispunjenje uslova utvrđenih ovim Pravilnikom.

U toku akademske godine stipendija se isplaćuje u 10 jednakih mjesečnih rata od 100,00 KM.

Isplata stipendija vrši se putem štedne knjižice ili tekućeg računa i to do petog u mjesecu za protekli mjesec.

### XIX

Korisnik gubi pravo na daljnju isplatu stipendije ako u toku studija:

- a) ne upiše narednu akademsku godinu kao redovan student
- b) bude upućen na izdržavanje kazne zatvora u trajanju dužem od tri mjeseca
- c) bude mu izrečena disciplinska mjera isključenja sa Univerziteta
- d) po nekom drugom osnovu kada mu prestane status redovnog studenta.

PRELAZNE I ZAVRŠNE ODREDBE

XX

Stupanjem na snagu ovog Pravilnika prestaje da važi Pravilnik o kriterijima i postupku za dodjelu stipendija učenicima i studentima sa područja općine Kalesija broj 02-05-1023/04 od 07.04.2004. godine.

XXI

Ova Odluka stupa na snagu danom donošenja i objavit će se u Službenom glasniku Općine Kalesija.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKI NAČELNIK  
Broj: 02-05-147/06  
Kalesija, 24.01.2006. godine

OPĆINSKI NAČELNIK  
Rasim Omerović, dipl.ing.šum. s.r.

10

Po izvršenom savnjavanju sa izvornikom teksta «Kriterija za izradu plana izgradnje i asfaltiranja lokalnih i nekategorisanih puteva na području općine Kalesija» («Sl. glasnik općine Kalesija», br. 10/05), potkrala se dole navedena štamparska greška, pa se na osnovu člana 137. stav 2. Poslovnika o radu Općinskog vijeća Kalesija («Sl. glasnik općine Kalesija», br. 2/04), d a j e

ISPRAVKA TEKSTA

**Kriterija za izradu plana izgradnje i asfaltiranja lokalnih i nekategorisanih puteva na području općine Kalesija**

I

U Kriterijima za izradu plana izgradnje i asfaltiranja lokalnih i nekategorisanih puteva na području općine Kalesija, iza tačke 7. dodaje se tačka 8. koja glasi:

**“Za ukupljena finansijska sredstva građana / dokaz bankovni izvod / dodjeljuje se broj bodova u visini procenta ukupljenih sredstava za asfaltiranje u odnosu na ukupna potrebna sredstva”** i tačka 9. koja glasi:

**“Za svakih sto metara dužnih puta predviđenih za asfaltiranje dodjeljuje se 1 bod”.**

II

Tekst ispravke «Kriterija za izradu plana izgradnje i asfaltiranja lokalnih i nekategorisanih puteva na području općine Kalesija», objavit će se u Službenom glasniku općine Kalesija.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2822/2  
Datum, 30.01.2006. godine

SEKRETAR OPĆINSKOG VIJEĆA  
Hajrudin Huseinović, dipl.pravnik s.r.

11

Po izvršenom savnjavanju sa izvornikom teksta «Odluka o izmjenama i dopunama Statuta općine Kalesija» («Sl. glasnik općine Kalesija», br. 12/05), potkrala se dole navedena štamparska greška, pa se na osnovu člana 137. stav 2. Poslovnika o radu Općinskog vijeća Kalesija («Sl. glasnik općine Kalesija», br. 2/04), d a j e

ISPRAVKA TEKSTA

**Odluke o izmjenama i dopunama Statuta općine Kalesija**

I

U Odluci o izmjenama i dopunama Statuta općine član 6. se briše, a ostali članovi pomjeraju se za jedan broj po redoslijedu.

II

Tekst ispravke «Odluke o izmjenama i dopunama Statuta općine Kalesija», objavit će se u Službenom glasniku općine Kalesija.

Bosna i Hercegovina  
Federacija Bosne i Hercegovine  
TUZLANSKI KANTON  
OPĆINA KALESIJA  
OPĆINSKO VIJEĆE  
Broj: 01-05-2-3/06  
Datum, 04.01.2006. godine

SEKRETAR OPĆINSKOG VIJEĆA  
Hajrudin Huseinović, dipl.pravnik s.r.

## *S a d r Ź a j*

<b>OPĆINSKO VIJEĆE</b>	<b>Strana</b>	<b>OPĆINSKI NAČELNIK</b>	<b>Strana</b>
01. Odluka načinu i uslovima određivanja naknade za ekspropisano poljoprivredno zemljište u 2006. godini .....	1	09. Pravilnik o utvrđivanju kriterija za dodjelu stipendija .....	15
<b>ISPRAVKE</b>			
02. Odluka o određivanju naknade za preuzeto građevinsko zemljište u 2006. godini .....	2	10. Ispravka.....	18
03. Odluka o visini naknade u 2006. godini za neprioznato uzurpirano zemljište ...	3	11. Ispravka .....	18
04. Odluka o utvrđivanju prosječne konačne građevinske cijene m2 korisne stambene površine iz prethodne godine .....	3		
05. Odluka o vrstama i minimalnim količinama sredstava potrebnih za sprovođenje lične i kolektivne zaštite građana i zaposlenika .....	4		
06. Odluka o usklađivanju statusa JP “Veterinarska stanica” Kalesija u Kalesiji sa zakonom o javnim preduzećima u FBiH i Zakonom o privrednim društvima .....	6		
07. Odluka o usklađivanju statusa JP “Vodovod i kanalizacija” Kalesija u Kalesiji sa Zakonom o javnim preduzećima u FBiH i Zakonom o privrednim društvima .....	10		
08. Rješenje o dodjeli zemljišta .....	14		